

*Participium praesentis* tak pri *Activumeh*, kak *Neutrumeh* dohagya od *Infinitivussa praesentia* pridajuch nyemu Litteru d, v.g. liebend, lyubechi, lesend, stejuchi, habend, imajuchi, &c.

*Indicativussa praesentia* perva *Personna Numerussa Singularissa* tak *Activumov*, kak *Neutrumov* formulesze od szvojega *Infinitivussa* odhitavajuch zadnyu Litteru n, v.g. lieben, lyubiti, ich liebe, ja lyubim, haben, imati, ich habe, ja imam, &c.

Druga *Personna* z-vekssinum zhagya na st, kak: ti du liebest, ti lyubis, du hörest, ti chujes, &c.

Trejta *Personna* vszigdar zhagya na t, v.g. der liebt, on lyubi, er hat, on ima, &c.

Perva *Personna Pluralissa* szkoro vszigdar na en, zhagya: kakti wir lieben, mi lyubimo, wir haben, mi imamo, &c.

Druga *Personna* na et, ali t, obodvojem nachinom: kakti ihr liebet, vi lyubite, ihr schreibt, ali schreibt, vi pissete, &c.

Trejta *Personna* je jednaka z-pervum, y to ne szamo vu ovom, nego y drugeh *Tempussch*.

Ovo obdersavatisze mora od vszeh zaizto *Praesentia Indicativussa* tak *Activumov*, kak *Neutrumov*.

Od *Imperfectuma* dati regulu tesko je kaksze vidi vu prilikah nise posztavlyeneh med szobum razlucheneh: vendar z-vekssinum zhagya na et, ali ete, v.g. ich liebet, ali liebete, ja lyubilszem, ich hörete, ja chulszem, &c. glasz vnogo bude hasznel prichetniku za szuditi, jelisze ovak, ali drugack dobro veli, poklamsze bude privuchal, y nekuliko Nemske razmel, nistarmanye pazi: da pri vszoh *Verbumeh* Nemskeh, kojeh *Participium* nezahagya na et, nego na en, vu *Imperfectumu* perva Syllaba premenisze, y zadnyi e, zpusztisze: kakti